


雜阿毘曇心論

卷五

四百十
邑五

50800



Handwritten text, possibly a date or reference number, located below the watermark.

雜阿毗曇心論卷第五

邑

尊者法救造

宋天竺三藏僧伽跋摩等譯

賢聖品第五

已說諸煩惱修行今當說

初則名始業

次則已習行

思惟已度者

當知第三種

三種修行謂始業已習行思惟已度始業者

不淨轉未曾得境界意解思惟分已習行者

受自相念處轉未曾得決定分善根此上當

知思惟已度以此上一乘道故復次不淨觀

亦三種修行謂從足指起乃至頂除去皮血

肉意解思惟是名始業於此骨鎖不作想生

周遍大地又觀骨鎖不作想彼骨鎖展轉相
對大風飄搏消為雪聚是名已習行略觀骨
鎖還至自身於其所緣清淨寂靜唯觀一色
是名思惟已度如是乃至略境界當知善根
漸增當知一切餘方便善根亦如是已說修
行餘今當說

若此煩惱怖
方便應善聽

遠離諸賢聖

如實正具足

若者若種若方便若分別此者次第說示煩
惱煩惱者熱惱故亦離一切有漏但煩惱過
如毒飯是故說離煩惱衆恐怖本者起種種
業種種生遠離者數滅滅賢聖者正定聚謂

七人及真實凡夫如實正具足者謂住真實
道方便應善聽者彼方便道當一心聽方便
者一切善法方便向解脫行施等起非唯道
三苦所逼迫世間不能覺欲令修定故

始於自身分

繫縛心令定

欲縛於識足

為盡智慧怨

始者統也自身分者自身中一處也若眉間
鼻端及足指繫縛者安立緣中令不散何所
安立謂自心定力故起智慧問何故答欲縛
於識足心流轉不住故縛一緣中一心故知
真實不亂問何故縛一緣中答為盡智慧怨
智慧怨者謂諸煩惱彼應斷雖觀他身如觀

死屍契經說以彼遠因故此說近因觀又隨
順一切度門故謂觀白骨身分隨順三度門觀
死屍唯隨順一不淨度門三度門者謂不淨
觀安般念界方便觀彼貪欲者以不淨觀度
覺觀者以安般念度見行者以界方便觀度
如師所授隨樂修行不淨觀安般念契經品
當廣說界方便觀今當說此以愚夫不正思
惟障蔽慧眼不觀真實緣起之法宿業煩惱
種無量法積聚五陰起積聚想以愚惑故於
緣起所作中計我作等諸邪見縛或時修行
近善知識得聞正法起正思惟已能於此身
界方便觀此身種種自性種種業種種相謂地

等六界彼地界爲水界潤故不相離水界爲地界持故不流散火界成熟故不淤壞風界動搖故得增長空界空故食等入出識界合故有所造作又觀此身從足至頂種種不淨穢惡充滿觀察此色猶如猛風飄散積沙於無色法先後相續異分觀察如是觀者得空解脫門種子於彼生死厭離不樂得無願解脫門種子於生死不樂已正向涅槃得無相解脫門種子若於此得不作想覺已觀一切有爲皆悉散壞是名界方便滿問如是觀已復云何答

是方便於身

真實相決定

諸受及自心

法亦如是觀

彼修行者不淨觀安般念界方便觀一一住
已身受心法各觀真實真實者不顛倒相者
二種謂自相及共相色相是身自相四種及
所造隨覺相是受自相識相是心自相法念
處有種種法種種各異相隨知是想相爲作
是思相如是比共相後當說問此念處如大
地建立應說一有漏無漏分別應說二軟中
上分別應說三即此有漏無漏分別應說六
身等有漏無漏分別應說八九品分別應說
九身等若內若外若內外分別應說十二九
品有漏無漏分別應說十八身等軟中上有

漏無漏分別應說二十四身等若內若外若
內外若厭離若不樂若觀察分別應說三十
六身等九品有漏無漏分別應說七十二若
念念分別應說無量何故說四念處耶答四
倒四食四識住及陰以四種修所治故說四
種隨修法彼治不淨淨想顛倒故說身念處
治苦樂想顛倒故說受念處治無常常想顛
倒故說心念處治無我我想顛倒故說法念
處如是餘種隨所應說問此念處云何滿答
以二因緣滿謂壞境界及善根增壞境界者
以極微刹那壞境界隨其義善根增者謂依
軟善根中依中增是名爲滿問何故前說身

念處後乃至法念處耶荅起隨順故世尊說
三種隨順起隨順說隨順無間等隨順起隨
順者謂念處及禪無色修行者前起身念處
乃至後起法念處是故世尊前說身念處乃
至法念處當知禪無色亦如是說隨順者正
斷如意足根力覺道又乘一刹那起精進具
四正斷說易故已生惡不善法方後令斷乃
至已生善法方便令住如是廣說如是正斷
以所作故說四正斷非性故無間等隨順者
說真諦修行者先入苦無間等故是故前說
如是廣說問何故修行者先起身念處乃至
法念處耶荅麁故五陰何者麁謂四種及所

造是故先觀受雖非色以行鹿故次說謂手足等痛受則隨轉雖想行陰鹿非識而與涅槃合施設法念處故彼最細是故先觀心後觀法雖一切悉是法此於法想滿故建立是故說一法念處非餘如界品中說法入此中亦介想滿者於聲是想於義是名名滿也

問幾種念處 答

三種說念處 自性及與共

亦說名為緣

聞等慧亦然

三種說念處自性及與共亦說名為緣者三種念處謂自性念處緣念處自性念處者說不顛倒慧何以故如說順身身觀觀

者是慧念者所作事不忘授緣故除自性過
故說念處共念處者與正慧一果法如世尊
說比丘善法積聚謂四念處是爲正說緣念
處者一切法如所說比丘一切法說四念處
是爲正說也攝受具故及略緣故共念處斷
煩惱非餘自性念處雖有略境界被具不足
故攝受具道斷煩惱緣念處雖攝衆具然境
界普散故略境界道斷煩惱問唯此念處三
種餘亦然耶荅聞等慧亦然餘亦三種謂聞
思修聞者常於名處起從師受契經律阿毗
曇思者或思處起或離思修者一向離名起
如三以學淨一始學二半學三善學始學者

近岸半學者或近或離善學者離岸初人者
譬聞慧第二者譬思慧第三者譬修慧修慧
能斷煩惱永離名故及正定故謂二種無義
者不然何以故趣修慧故修慧者具四念處
身受心法彼法念處斷煩惱非餘惣境界故
非餘事境界故趣法念處故亦非無義法念
處二種壞緣不壞緣若慧緣色是身念處若
緣受是受念處若緣心是心念處若緣想行
及無爲是不壞緣法念處餘今當說

入法中惣觀

得法真實相

此四是無常

空無我非樂

入法中惣觀得法真實相者修行者入不壞

緣法念處修一一念處遍觀一切法自相共
相已入壞緣法念處色受緣念處色想緣色
行緣色識緣如是三四五陰緣是法念處成
一切身受心法念處一覺惣觀度此去何此
四是無常空無我非樂以無常等行惣觀一
切有漏法彼念念滅故無常離常等故空不
自在故無我實逼迫故苦
從是名爲煖 於法覺而生
觀察四聖諦 十六行等起

從是名爲煖於法覺而生者彼修行者於壞
緣法念處次第生善根名爲煖問幾行何境
界答十六行等起觀察四聖諦彼煖法行苦

諦等十六行苦聖諦四行乃至道聖諦四行
行義智品當廣說彼煖法生緣三諦法念處
現在修未來四一行現在修未來四自分非
不自分緣滅諦法念處現在修即此未來修
非初離陰觀得修緣陰道一行現在修未來
四緣三諦增進四念處一二念處現在修未
來四一行現在修未來十六緣滅諦增進法
念處現在修未來四一行現在修未來十六
修未增善根修自分行增善根現在修修自
分不自分行煖法是慧性隨轉法則五陰性
煖者生聖智火故煖為種故說煖法
是法增長已生頂及於忍得世第一法

依於一刹那

是法增長已生頂及於忍者修行者正方便
正憶念增長得隨順善業衆具故煖法得增
長次生善根名爲頂緣四聖諦行十六行彼
頂法緣四諦緣滅諦增進法念處現在修未
來四一行現在修未來十六緣三諦增進四
念處一一現在修未來四一行現在修未來
十六此善根亦慧性隨轉法五陰性頂法者
在煖上故曰頂劣於忍名爲下或時世尊說
信如爲波羅延說或說慧如爲諸年少比
丘說受事於此頂退名頂墮煖亦應有墮但
不說頂墮者以多憂惱故喻三處起大憂惱

如失大寶謂非想非非想離欲退離欲界欲
及頂法退退者名不成就性彼修行者於此
正方便成就頂善根增進生諦順忍緣四諦
行十六行初忍及增進法念處現在修未來
四一行現在修未來十六忍者於四聖諦堪
忍欲樂煖頂亦堪忍者不然忍不退故違惡
趣故近聖道故是故說諦順忍非煖頂問忍
增長生何善根答得世第一法依於一刹那
謂增上忍次第緣生凡夫所得最勝善根名
世間第一法此亦五陰性彼有漏故名世間
勝煖等故說第一此亦凡夫所修最上功德
一刹那不住故似見道故煖頂忍相續故

說彼修慧一切揔觀法念處次第生決定分
世間行善根彼建立九品彼軟軟軟中軟上
名煖法中軟中中名頂法中上上軟上中名
忍法上上名世間第一法若觀陰無常等善
根名煖法觀三寶功德名頂法觀察聖諦名
忍法觀苦聖諦次第聖道名世間第一法彼
得煖法已若退捨若命終捨若度界地捨亦
起無間業斷善根生惡趣中緣此福故要得
涅槃頂法退亦如是唯除斷善根忍則不退
有命終捨及度界地捨不作無間業不斷善
根不墮惡趣以忍大力故如師子王群獸遠
避忍力始是一切惡心非數滅亦如大王之

所任處人天惡行心皆柔軟問世間第一法
何緣幾行答

下苦有四行

說攝依六地

忍法亦如是

謂餘或依七

下苦有四行者欲界苦說下彼世間第一法
所緣無常苦空無我行轉非餘似見道故有

二種修行者愛行及見行愛行有二種我慢
行及懈怠增見行亦二種我及我所計著我
慢者修無常行世間第一法懈怠增者修苦
行我行計著者修非我行我所計著者修空
行問幾地所攝答謂攝依六地未來中間根
本四禪非欲界無定故非無色界無見道故

問餘決定分善根幾地攝答忍法亦如是謂
忍六地攝如世間第一法謂餘或依七煖頂
亦六地尊者瞿沙欲令欲界亦有問已說決
定分次第起聖道次第起復去何答
世間第一法 次生苦法忍 忍次生於智
俱觀於法苦

世間第一法次生苦法忍者世間第一法次
第生苦法忍欲界見苦斷十使對治是則初
無漏無礙道復次世間第一法次第不作不
向不行捨邪業邪趣邪見邪業者五無聞業
邪趣者惡趣邪見者五見又世間第一法分
苦法忍作五種定謂地定行定緣定刹那定

次第緣定地定者若此地世間第一法即此
地苦法忍行定者若此行世間第一法即此
行苦法忍緣定者必同緣故刹那定者若此
刹那背即此刹那生次第緣定者世間第一
法次第心生苦法忍增上忍分作三種定除
刹那及次第緣以是故緣苦忍後得超昇離
生彼思惟欲界苦及色無色界苦乃至色無
色界行對治是名下忍彼復思惟欲界苦乃
至欲界行對治捨色無色界行對治是中忍
彼一一諦觀察捨還乃至欲界苦相續終然
後復捨相續乃至欲界苦一刹那思惟是增
上忍然後生世間第一法忍次生於智者苦

法忍次第生苦法智解脫道自性問此忍智
何緣荅俱觀於下苦下苦是欲界苦彼俱觀
謂色無色苦 集滅道亦然 此法無間等
是說十六心

謂色無已苦者色無色界苦亦如是苦比忍
無礙道苦比智解脫道集滅道亦然者集滅
道諦亦以二忍爲無礙道二智爲解脫道此
法無間等是說十六心者此十六心頃爲法
無間等無間等是見義此十五心頃是見道
最後一心是修道問何故三諦忍及智見道
攝道諦最後心修道攝耶荅修十六行道故
道比智相應修十六行非見道修十六行道

比智相續故果道所攝謂不應者不然如畫
智成者此則成若此非分者無學道亦非分
略說三地見地修地無學地於此諸地建立
人如其義今當說

隨法行利根
當知亦在中

此在十五意

隨信行鈍見

隨法行利根此在十五意者見道十五心人
若利根說隨法行隨法行故說隨法行不從
他信故隨信行鈍見當知亦在中者即此十
五心人若鈍根者說隨信行信他得度故隨
信行者少觀察隨法行者多觀察

隨信隨法行

若具煩惱縛

乃至五種斷

當知向始果

此隨信隨法行人若具煩惱縛若一二三四五種斷名向須陀洹果煩惱上上等分別故立九品彼若凡夫時未曾斷一品名具縛若斷一品名不具縛若斷五品超昇離生欲斷見苦斷五品斷苦法智得解脫證乃至見道斷五品斷道法智得解脫證欲界修道斷五品斷斯陀含果得解脫證

六斷乃至八是向第二果 離欲至八地

是則第三向

六盡乃至八是向第二果者此隨信行隨法行者若已六七八品斷此說向斯陀含果離

欲至八地是則第三向者此隨信行隨法行者若離欲乃至無所有處盡彼俱向阿那含果

若至十六心

是名住於果

軟見信解脫

利見名見到

若至十六心是名住於果者第十六心名

比智相應彼起俱說住果若須陀洹若斯陀含若阿那含軟見任解脫者若軟見人見道名隨信行彼住三果時名信解脫利見名見到者若利根入見道名隨法行彼住三果時名見到見到信根勝信解脫但以慧所勲故說見到

非事諸煩惱 謂彼一切盡 乃至未進行
是名須陀洹

若見道斷八十八結盡是須陀洹果乃至未
進行是名任須陀洹果若方便斷上上種是
名向斯陀含果即此種乃至五品斷超昇離
生道比智起名須陀洹非向斯陀含以向彼
果道未一念現在前故問斷衆多煩惱何故
世尊說三結盡耶 答十使是根本五見疑愛
恚慢無明彼見道斷六五見及疑彼見道斷
六使永盡彼三轉三隨轉彼身見是轉邊見
是隨轉戒取是轉見取是隨轉疑是轉邪見
是隨轉已說轉當知已說隨轉是故世尊說

三結盡是須陀洹復次此諸煩惱或一種二種四種已說身見當知已說一種已說戒取當知已說二種已說疑當知已說四種如是
一切遍不一切遍有漏緣無漏緣盡當知此
結已盡已知乃至阿羅漢猶有相似隨轉故
未盡修道種受生生死七當知彼所說
極滿須陀洹
彼須陀洹修道種未盡彼極滿當知七有七
生人間中陰生陰及欲界天此摠說七有不
過七故如七葉樹問何故說七有不增不減
耶荅如七步蛇所螫四大力故至七步毒力
故不至八如是業力故七生道力故不至八

彼住增上忍時除欲界七生餘一切生得非
數滅至竟不現在前若人間超昇離生人間
滿七天上者還天上滿中間聖道雖現在前
業力持故不般涅槃問若滿七生佛不出世
彼云何得阿羅漢果答有說在家得阿羅漢
果得果已不住家又說即彼形自出家成就
不壞淨故希望具足故見惡行過故是故須
陀洹法不墮惡趣又佛種性中生故智火明
淨故見境界過故止觀具足故聖道藥所勳
故如王太子如內火增人如巧便魚是故須
陀洹不墮惡趣凡夫雖不墮惡趣以少及不
定故不說住正定聚故說定必得涅槃故說

趣正覺七有者如前說住者中陰生者生陰
故說住生更不受餘生故名住苦邊不必一
切須陀洹滿七有也

若斷三四種

成就彼對治

餘二生三生

是說名家家

三因緣故建立家家謂煩惱斷成就根及受

生煩惱斷者欲界修道斷煩惱三品四品斷

無有五品斷名家家若能斷五品者勢力故

必斷六品成斯陀含非第六品力能障令不

至果成就根者得彼對治無漏諸根受生者

或更受欲界餘二生三生若三因緣一一不

具非家家有二種家家若天若人天家家者

謂欲界天或受二生三生或受一天處種類
身或二或三人家家者謂人間身或一天下
或二或三或一家或二或三問家家有何
義答從家至家而般涅槃故曰家家須陀洹
勝者名家家

六品須惱斷

見道斷一切

是說斯陀含

謂彼未進行

若欲界修道

斷上三品中三品及見道斷一

切盡任果未進行名斯陀含問斯陀含有何

義答於此終生欲界天一來人間而般涅槃

若七八品斷

成就對治根

餘則受一生

是名一種子

若欲界修道斷斷七品八品及見道斷一切
盡得彼對治無漏根欲界餘一生名一種子
三因緣一一不具非一種子若天一種子受
天一身而般涅槃人間亦亦餘一生種子故
說一種子問何故八品斷名一種子五品斷
不名家家耶答正使六品斷為家家者猶生
欲界是欲界業煩惱不為障礙種子九品
盡生色界是欲界業煩惱極作障礙以是
故說三處衆生業極作惱亂三處後當說一
種子者是上斯陀含
九品盡不還 當知有多種 或五及七八
或復說衆多

九品盡不還者見道斷一切及欲界修道斷
九品結盡當知阿那含問有今所煩惱斷何
故世尊說五下分結盡為阿那含耶答一二
四五種如是一切五下分悉攝故可惡卑下
同義復次二種下界下及衆生下界下者欲
界衆生下者凡夫貪恚繫故下界者難度故
身見戒取疑繫故衆生下如守門防邏故聖
人或先斷二結或三結集斷故說五不還欲
界名阿那含此亦多種或五及七八或復說
衆多是說阿那含五種者謂中般涅槃生般
涅槃行般涅槃無行般涅槃上流般涅槃七

者中般涅槃有三種如契經

中般涅槃三種
者一如小逆木

火二如小小遙熱鐵三如四如前說八者五
逆燒鐵丸此即契經說

種如前說又現法般涅槃無色界阿那含及
不定又色界五種根建立則十五中般涅槃
上中下根乃至上流亦如是地建立則二十初
禪有五乃至第四禪亦五種性建立則三十
中般涅槃有六種謂退法種性思法護法住
法昇進法不動法種性如是乃至上流亦如
是處所建立則八十梵身天五如是乃至阿
迦膩吒天種性根建立則九十地種性建立
則百二十地種性根建立則三百六十種性
處建立則四百八十種性處根建立則一千
四百四十記曰

十五有二十三十與八十
九十一百二十
及三百六十四百八十種
千四百四十
如是廣略說攝受阿那含
根地及種性
處所廣建立隨彼煩惱斷
今當次第說
復次一阿那含謂中般涅槃根建立三地四
種性六處所十六種性根十八地種性二十
四地離欲三十六地種性根七十二處種性
九十六地種性離欲二百一十六處種性根
二百八十八地種性根離欲六百四十八處
種性離欲八百六十四處種性根離欲建立
二千五百九十二當知是中般涅槃數乃至
上流亦如是此一切攝受万二千九百六十

記曰

一三四與六十六及十八 謂說二十四

復說三十六 七十有二種 九十有六種

二百一十六 二百八十八 六百四十八

八百六十四 又復說二千 五百九十二

如是阿那含其數有五倍即上二千五百九

二千九百六

已說一切阿那含相今當說

利想軟煩惱 住於一種業 是中般涅槃

分別六種性

利根軟煩惱住於一種業是中般涅槃者此

人利根及軟煩惱作中陰業增長不作生陰

業彼於欲界沒住色界中陰得無誤道以此
道捨餘結而般涅槃是名中般涅槃度欲界
難故非欲界中陰般涅槃若欲令般涅槃者
彼應斷不善無記二種結得若二若三沙門
果越度三界而欲界中陰於此無能若色界
沒者上流品所擯問此人幾種性答分別六
種生中般涅槃當知六種性退法乃至不動
若說利根不應退種性者不然彼亦建立九
品想故

精進勤方便
修習速進道
是生般涅槃

彼亦有二說

精進勤方便修習速進道是生般涅槃者生

般涅槃人作中陰生陰業命終受色界夫中
陰及生陰彼初生起有行道謂勤方便及速
進道疾斷餘結初生便般涅槃故說生般涅
槃彼亦有二說者有說若初生斷煩惱般涅
槃者不然無捨壽行分故無有捨壽行者乃
至蓋壽住此義為勝

第三勤方便

離於速進道

第四不勤求

三俱說六種

第三勤方便離於速進道者彼行般涅槃若差
別者不行速進道餘如前說名者起有行道
斷餘煩惱而般涅槃是有行般涅槃復次依有
為緣三昧斷煩惱而般涅槃亦是有行般涅槃

第四不勤求者此無行般涅槃亦不勤求亦
不行速進道餘如前說名者起無行道斷餘
煩惱而般涅槃是無行般涅槃復次依無為
緣三昧斷煩惱而般涅槃亦是無行般涅槃
三俱說六種者行與無行及生般涅槃當知
俱說六種性此三種雖皆是生般涅槃義差
別故說三無過

是名為上流

此亦六種性

當知進不進

超半超處處是名為上流者上流有二種或
先得勲禪或不得彼先得者先勲修三禪而
後退任初禪初禪味相應命終生梵天中彼

亦三種超半超及一切處沒彼超者生初禪
乃至離第三禪欲勲修滿超第四禪彼命終
生阿迦膩吒天半超者從梵天沒或生一二
三處然後生阿迦膩吒天一切處沒者生二一
處乃至阿迦膩吒天先不得勲者不生淨居天
生無色界餘如前說問此義幾種性答此亦
六種性上流亦六種性退法乃至不動此非
初住不動種性根謂退法種性於勲修禪退
後得見到當知進不進者上流者當知有進
不進應作四句當進修非不進者謂住欲界
梵天不進非當進者謂住阿迦膩吒天亦進
亦不進者謂住餘天非進非不進者無也若

向無色界者非勲修是故說生無色界問世
尊說七士夫趣彼云何建立七士夫趣答
謂生根煩惱是說有三種不生亦復然
及二上流一
一阿那含四因緣故七種建立所謂根建立
煩惱建立生不生建立及上進建立彼生者
初利根軟煩惱第二中根中煩惱第三軟根
上煩惱如生三不生亦三上流者說上進凡
夫轉還故非上流無色界上流有五事勝謂
界勝地勝正受勝陰滅煩惱斷雖有五事勝
不得勲修故不建立士夫趣
如是九煩惱在於上八地
謂彼雙道滅

世尊之所說

如是九煩惱在於上八地者如欲界修道斷
煩惱有九品從軟軟至上上上八地亦如是
謂四禪四無色彼初見道起以一種道斷九
種煩惱問若色無色界煩惱亦九種彼何故
不建立離欲人耶答一處中二生非分故欲
界有如是天如是方如是家聖人二生非色
無色界聖人二生若二生者無生般涅槃乃
至上流謂彼雙道滅世尊之所說者此三界
煩惱當知無礙解脫道滅無礙道能斷煩惱
得解脫道得解脫證無礙道斷煩惱解脫道
不失所作故說雙道滅若言解脫道斷煩惱

者云何為起耶若起者彼初盡智生時應有煩惱比則非究竟若未起者不應未來道斷煩惱耶問為何道斷煩惱耶答

有垢無垢道

俱能離八地

任彼說身證

謂得滅正受

有垢無垢道俱能離八地者有垢者世俗道

無垢者聖道除第一有餘地離欲時當知有漏無漏道離第一有唯無漏有漏於彼非分故世俗道攀上地故離下地煩惱如折樓垂非想非非想處無有上地可攀能離彼結自地繫縛故不能離自地結如人被縛不能自解彼世俗無礙道三行若鹿若苦若鹿障彼

現故說麤三苦成故說苦易觀故說鹿障解脫
道亦三行謂上妙出一一行無礙道下緣解
脫道上緣聖行後當說住彼說身證謂得滅
正受者住八地見道修道斷一地見道斷中
住得滅正受說名身證是故學人於第一有
一一離欲中起滅正受彼或具結所縛得滅
正受或八品盡得世尊以度諸正受故說
度一切非想想非想想知滅身作證具足住
法似涅槃與身合故說身證滅正受定品當
廣說

金剛喻定次 必生於盡智 生意我生盡
應供離諸漏

金剛喻定次必生於盡智者非想非非想地
離欲第九無礙道名金剛三摩提無一不壞
故名金剛此義擇品當廣說金剛定次第必
生盡智此初二智或苦比智或集比智謂彼
盡智起已起自己行生意我生盡彼非想非
非想處四陰緣有根本故應供離諸漏者彼
盡智生一切有漏盡名爲應供一切供養
故害一切煩惱故更不於有田種識種子故
不動阿羅漢盡智次第無生智起彼盡智一
刹那無生智或一刹那若次第等見現在前
一刹那若無生智現在前則相續時意解脫
盡智或一刹那若次第等見現在前一刹那

若復盡智現在前相續問阿羅漢幾種答

阿羅漢六種 隨信行生五 彼得於二智

當知時解脫

阿羅漢六種者謂退法思法護法任法必昇
進法不動法若初學地不常方便不頓方便
是為退法思法亦如是堪能思願護法者

常方便不頓方便以隨護故不退任法者頓
方便不常方便不退亦不進必昇進者常方
便是鈍根能得不動不動法者常頓方便是
利根有說若退法者必退乃至得必昇進必
昇進者彼說六種是欲界阿羅漢色無色界
有二種任法及不動法有說退法不必退若

退者唯此種性非餘彼說三界悉有六種阿
羅漢隨信行生五者此六種阿羅漢中前五
種是信種性彼成就二智謂盡智及無學等
見彼或時退故不說無生智世尊以更不受
生故一切契經說更不受後有知如真當知
時解脫者當知此是時解脫衣食牀卧具處
所說法及人隨順故善根增進不能一切時
隨所欲進故說時解脫
不動法利根 是不時解脫 彼得於三智
自解脫成就
不動法利根是不時解脫者若不動法一向
利根能一切時隨所欲進修善業不待眾具

是不時解脫彼得於三智者彼成就三智盡
智無生智及無學等見是不退法自解脫成
就者當知彼自己相似名解脫成就時意解
脫者待時故時意解脫成就不動法者不動
故不為煩惱所動故說不動是不退義問何
故時意解脫名為愛非不動耶答彼極自護
故猶如一目不自在故畏退故如借他物彼
相繫善根非分故不動解脫有相繫善根謂
彼有餘三摩提故是故不名愛

作以定捨
定名相繫

謂空空無願
無願無作無

慧解脫當知 不得滅盡定 若得滅盡定
當知俱解脫

慧解脫當知不得滅盡定者此六種阿羅漢
不得滅盡定者說慧解脫以慧力解脫煩惱
障故名慧解脫若得滅盡定當知俱解脫者
此六種阿羅漢得滅盡定者說俱解脫彼慧
力離煩惱障心得解脫滅正受力離解脫障
得解脫是故名俱解脫若復退法一切俱解
脫係四句退法非俱解脫者謂退法不得滅
盡定俱解脫非退法者謂五種羅漢得滅盡
定亦退法亦俱解脫者謂退法得滅盡定亦
非退法亦非俱解脫者謂五種羅漢不得滅
盡定乃至不動解脫亦如是
諸根說九種 亦說九種人 七種諸聲聞

緣覺及如來

此說九種根謂軟軟乃至上上阿羅漢人亦
九種謂前五種及二不動解脫或因時解脫
得不動或始得不動此七種聲聞及緣覺如
來是名九種人已說根建立人若人成就根
今當說

軟中最軟根

是為初種人

乃至增上

第九人當知

彼退法成就軟軟根思法軟中護法軟上任

法中軟昇進中中因時解脫種性不動法中

上初不動解脫上軟緣覺上中如來上上

謂以學種性 得彼無學果 或即彼種性

或進不退轉

六種阿羅漢或以學地如是種性得阿羅漢
即彼種性阿羅漢或增益根得不退轉彼種
性修習根故彼退法有三事後當說不動法
唯一事即彼住般涅槃餘阿羅漢有二事已
說根本種性可羅漢曾進根今當說

所謂三四五

六七次第增

是諸具法

說五羅漢事

彼退法有三事謂退住學法退法根若住彼般
涅槃若上增進根思法有四事謂退住學根
退即住退法想若異者應進不退前說彼種
性不退故住退法根即住彼般涅槃上增進

根護法有五事謂護法退住學根住退法根住思法根即住彼般涅槃上增進根住法六種必昇進七隨其義說已說建立賢聖人相建立法今當說

謂隨信行法

若隨法行法

及與見諦道

是盡同一相

隨信行法隨法行法及見諦道此三種法盡同一相差別者隨信行者鈍根隨法行者利根於中諸根法是名未知根是名未知根謂餘有學法佛說已知根

於中諸根法是名未知根者彼見諦道所攝根數有九法謂意根樂根喜根捨根信等五根

是名未知根。此諸根隨信行隨法行所成就。名者未知當知。故說未知根。問苦法忍生觀欲界五陰後苦法智生非於五陰已。知當知耶。若言未知當知。此則不然。答忍非智非智性。故無過忍。是見非智性。故以智知。故非不然。謂餘有學法。佛說已。知根者。除見道學法餘學法。即此根數。九法說已。知根。此根信解脫。見到身證所成就。雖道比智生。觀道比忍。是未知當知已。少故不說。如大海一滴。須弥一塵。虛空蚊虻處。當知無學法。是說無知根。得果捨前道。無礙智所說。

當知無學法是說無知根者當知無學法即此根數九法說無知根此根慧解脫俱解脫所成就彼見道六地四禪未來中間非上地方便善根非分及非廣境界故修道學法九地此六地及三無色五陰性得果捨前道無礙智所說者得果時當知捨前無漏道得須陀洹果捨見道得斯陀含果若先倍欲盡亦捨見道若次第者捨須陀洹果及須陀洹進向道得阿那含果若先欲愛盡亦捨見道若次第者捨斯陀含果及斯陀含進向道得阿羅漢果捨阿那含果及阿那含進向道問世尊說隨信行等七人云何建立耶答

方便及諸根

正受解脫俱

當知賢聖七

事則說有六

方便及諸根正受解脫俱當知賢聖七者五

因緣故說七人名七非事七五因緣者謂方

便根正受解脫正受解脫方便者隨信行隨

法行隨信行者信多故說隨信行先種諸業

信他故作後得道已以本名說隨法行者先

自思惟興造諸業後得道已以本名說根者

信解脫見到鈍根說信解脫利根說見到正

受者是身證解脫者是慧解脫正受解脫者

是俱解脫事則說有六者此諸聖人有六見

道有二謂隨信符隨法行修道有二謂信解

脫見到無學道有二謂時解脫不時解脫隨
信行人應說一謂七人根故應說三謂軟中
上種性故應說五謂退法乃至必昇進道故
應說十五任苦法忍乃至道比忍離欲者應
說七十三欲界離欲十謂具縛乃至九品盡
初禪九乃至無所有處復次根種性道依建
立增亦應廣說如是隨信行人有十四方七
千八百二十五彼所攝受
一三五十五 及與七十三 謂根種性道
離煩惱當知 三倍次五倍 十五及九倍
如是衆多種 唯說隨信行
當知餘聖人隨其義亦應如是說問如契經

說向須陀洹等六人此云何答

以有五事故 說有八人名 先後事各一

中間則有三

此四向四果說八人名事有五向須陀洹及
阿羅漢此名一事亦一須陀洹及向斯陀含
此名二事一斯陀含及向阿那含阿那含及
向阿羅漢亦如是彼前四人成就一地聖道
即此亦說家家及一種子向阿那含果或一地
乃至六地阿那含果或三地乃至六地向阿
羅漢或三地乃至九地阿羅漢成就九地彼
沙門果道壞地壞應作四句道壞非地壞者
斯陀含果地壞非道壞者阿羅漢果道壞地

壞者阿那含果道不壞地不壞者須陀洹果

離有漏無漏名道壞
離依諸禪名地壞也

已盡為解脫 得依於一果 不穢汚第九

滅盡應當說

已盡為解脫得依於一果者向道中諸解脫

道得果解脫得果時法智品所斷盡得一解

脫得比智品所斷盡得二解脫得道不壞故

說一得果時說五因緣得未曾道捨曾道頓

得八智一時修十六行得一味解脫果問穢

汚斷前已說不穢汚云何斷答不穢汚第九

滅盡應當說前已說煩惱眷屬九品斷不穢

汚者任第九無礙頓斷非漸漸不穢汚者世

俗善及不隱沒無記五陰穢汚色亦第九
礙斷以少故不說問何故煩惱九品斷不穢
汚第九無礙斷耶答煩惱聖道相違故聖道
與煩惱相違不穢汚不相違是故彼如是如
是道起隨所應斷煩惱斷軟軟道起上上煩
惱斷乃至上上道起軟軟煩惱斷如小明滅
麤闇大明滅微闇彼亦如是以穢汚者自性
斷不成就不穢汚者捨煩惱過如雜毒
無著相似名 彼能獲不動 信解脫種性
昇進亦增道
無著相似名彼能獲不動者非彼一切阿羅
漢能得不動唯功德名相似者得謂必昇進

於彼五種中增進根者得謂退法進至思法
如是次第盡當知又得不動有九無礙及九
解脫道如得阿羅漢也九無礙道八解脫道
時解脫攝第九解脫道不時解脫攝彼一切
果道所攝彼方便道若無漏者果道所攝有
漏者不攝信解脫種性昇進亦增道者彼信
解脫若必昇進種性能得見到非餘性是故
學地五種亦增進根增進道者謂熾然根增進
根者人中增非餘趣聖道增非世俗道學者
依禪無學者依禪及無色須陀洹斯陀含依
未來增進根即彼捨一地得一地阿那含若
先依初禪及眷屬超昇離生及次第未得第

二禪彼增進根者捨三地果得三地果若得
第二禪非第三禪後依初禪增進根者捨三
地果及四地勝果道即得三地果如是乃至
得無漏無所有處捨三地果及捨九地勝果
道得三地果若謂捨多道得少道應退者不
然何以故得勝道故彼人意解故問捨道亦
捨斷耶答世俗道斷者不捨若非想想非非
想處煩惱一一種斷得見到時彼非想想非
想想修道斷捨斷及對治而不成就煩惱得如
凡支生上地時又復若先依初禪超昇離生
後依第二禪增進根者彼捨三地界及四地
勝果道得四地果如是一切地應廣說若住

二禪彼增進根者捨三地果得三地果若得
第二禪非第三禪後依初禪增進根者捨三
地果及四地勝果道即得三地果如是乃至
得無漏無所有處捨三地果及捨九地勝果
道得三地果若謂捨多道得少道應退者不
然何以故得勝道故彼人意解故問捨道亦
捨斷耶答世俗道斷者不捨若非想想非非
想處煩惱一一種斷得見到時彼非想想非
想想修道斷捨斷及對治而不成就煩惱得如
凡夫生上地時又復若先依初禪超昇離生
後依第二禪增進根者彼捨三地界及四地
勝果道得四地果如是一切地應廣說若往

果而增進根者彼方便無礙及解脫道果所
撰若住勝果道增進根者若彼方便無礙道
勝果道所撰若解脫道果所撰一方使道一
無礙道亦一解脫道如是見道亦六種性而
無增進根以速道故如是決定分善根亦六
種性修行者次第增進根唯世間身一法與
增進根以一念故已說諸根滿謂學滿非滿
今當說
或有學果滿 或根或正受 或復三俱滿
無學二亦然

彼學有三事滿或果滿或根滿或正受滿若
信解脫阿那含不得滅盡定者唯果滿非根

滿軟根故非正受滿不得減盡定故見到須
陀洹斯陀舍唯根滿非果滿非正受滿信解
脫阿那舍得減盡定果滿及正受滿非根滿
見到阿那舍不得減盡定者果滿及根滿非
正受滿見到得減盡定者三事滿無學二亦
然者一切無學果滿無二果性故慧解脫軟
根者果滿非根滿利根者果滿及根滿俱非
正受滿俱解脫軟根者果滿及正受滿非根
滿利根者三事滿問三種滿謂善觀諦云何
觀諦為頓耶為漸耶答

建立功德惡 漸漸見真諦 無礙道力得
有為無為果

建立功德惡漸漸見真諦者於此真諦見過
惡故立苦集諦見功德故立滅道諦是故非
見過惡時見功德亦非見過惡體
異故亦非不如實見諦名諦無間等亦非一
智捨觀諦諦衆多性故是故漸漸見真諦有
說無我行頓無間等彼如是說無我行緣一
切法應頓無間等者不然何以故顛倒衆多
故自性相應共有法非境界故諦異相故無
我等於此諦衆多性顛倒非一無我起斷衆
多自性感是故非一無間等漸漸無間等擇
品當廣說問諦無間等得沙門果云何為有
為果耶無為果耶答無礙道力得有為無為

果煩惱數減及解脫道俱無礙道力得是故
俱說沙門果煩惱減是解脫果及功用果解
脫道是功用果及依果同此無間等有幾種
答

謂三無間等

緣事見無間

當知有三種

或二亦復一

三種無間等謂緣無間等事無間等見無間

等彼慧二種無間等緣無間等者有緣故事

無間等者能成事故見無間等者見性故事

相應法二種無間等緣無間等及事無間等

彼共有法唯一事無間等彼苦忍著智於苦

諦三種無間等於滅諦道諦緣無間等當知

集忍集智於集諦亦如是滅慧滅智於滅諦
三無間等於苦集道諦事無間等道忍道智
於道諦三無間等於苦集滅諦事無間等修
道隨其義當知如是見諦無間等以是因緣
當知漸次無間等

雜阿毗曇心論卷第五

邑

飄搏上足音博及障蔽下必音鈍徒用整呼各防
羅下音及逆必音蚊音

